

## ***Diu pruvvedi***

Diu Patri Onnipotenti  
dopu chi criavu celu e terra  
e tanti autri purtenti  
pinsavu 'ntà sò ranni menti  
di criari l'omu, pruntamenti.

No' ci bastavu, ma 'ntà sò fantasia  
ci preparavu puru 'a cumpagnia :  
Adamu ed Eva li chiamavu  
e 'ntò Paradisu terrestri 'i sistimavu.

Ci raccumannavu a tutti i 'ddui  
di ricriarisi in menzu a tanti beni  
ma di no' manciari all'alburu du' mali.

Giardinu miravigghjiusu l'Eden era :  
a' gioia, a' paci, u' friscu e l'armunia  
rignavunu 'ntà du' postu di alta puisia.

O' bruttubestia, 'dda cusazza, no' ci garbavu :  
nu' trabucchetu 'a iddi ci cumminavu,  
'a mela i' ll'alburu ci purgivu.

Cu stu attu scilliratu e tradituri,  
disubbidennu a Diu Creaturi,  
Adamu ed Eva mischini e svinturati,  
da n'angiulu cu na spada 'i focu  
du' Paradisu furunu cacciati.

Cuminciarunu li guaji e li malanni,  
tribulazioni e affanni diri è pocu.

Millenni e seculi passaru  
e Diu ca' sò 'nfinita onniputenza  
vidennu 'ntà ll'umanità tanta suffirezza  
dicensi di usarici tanta climenza.

Mannavu supra 'a terra u' sò Figghju beddu,  
Gesù Cristu ora e sempri binidittu.

'Ntò giardinu di' dilizji accaddi u' misfattu,  
'ntò giardinu di' duluri nasciu u' riscattu.

Sangu sudavu Gesù 'ciaticeddu  
e si fici scannari, mutu, comu nu' 'ciareddu.